

**Resolución do 9 de novembro de 2022, do tribunal designado pola Resolución do 13 de setembro de 2022 (DOG núm. 178 do 19 de setembro) para cualificar o proceso selectivo de acceso por oposición libre e o proceso de provisión por mobilidade nos corpos da Policía Local de Galicia, escala básica, categoría de policía, convocados mediante a Orde do 26 de xullo de 2022 (Diario Oficial de Galicia número 153, do 11 de agosto)., pola que se fai pública a listaxe definitiva de cualificacións do primeiro exercicio do proceso por orde decrecente de puntuación, a listaxe de cualificacións do segundo exercicio das persoas que resultaron aptas no primeiro exercicio e non estaban exentas da realización do segundo exercicio e se fai público o lugar e data de realización do terceiro exercicio do proceso (probas físicas).**

En sesión que tivo lugar o 9 de novembro de 2022 o Tribunal designado pola Resolución do 13 de setembro de 2022 (DOG núm. 178 do 19 de setembro) para cualificar o proceso selectivo de acceso por oposición libre e o proceso de provisión por mobilidade nos corpos da Policía Local de Galicia, escala básica, categoría de policía, convocados mediante a Orde do 26 de xullo de 2022 (Diario Oficial de Galicia número 153, do 11 de agosto)

ACORDOU:

**Primeiro.** Estudadas as alegacións e reclamacións presentadas contra as cualificacións provisionais publicadas coa resolución do 29 de outubro de 2022, do primeiro exercicio de coñecementos (tipo test) e do segundo exercicio (coñecemento da lingua galega) que tiveron lugar o día 24 de outubro de 2022, mantéñense as puntuacións nos termos da resolución do 29 de outubro.

Desestimar na súa totalidade as alegacións e reclamacións presentadas.

Segundo o establecido nas bases da convocatoria, acórdase publicar na sede da Agasp e na súa páxina web, como Anexo I a esta resolución, a listaxe das persoas aspirantes coas cualificacións definitivas obtidas no primeiro exercicio por orde decrecente de puntuación.

**Segundo.** Publicar na sede da Agasp e na súa páxina web, como Anexo II a esta resolución, a listaxe definitiva das persoas aspirantes convocadas á realización do segundo exercicio, que superaron o primeiro exercicio e declaradas aptas na proba de coñecemento da lingua galega.

**Terceiro.** A Resolución do Tribunal de data 6 de outubro establecía que serían convocados á realización do terceiro exercicio (probas de aptitude física) os 300 opositores que resulten aprobados con mellor cualificación na proba de avaliación de coñecementos, sempre que superaran o exame de acordo co establecido nas bases da convocatoria e sexan aptos/as na proba de coñecementos da lingua galega ou estean exentos/as da súa realización. Unha vez aprobadas as cualificacións definitivas existe empate no posto 300 cunha nota de 5.33, polo que serán convocadas todas as persoas aspirantes que obtiveron dita puntuación (5.33).

**Cuarto.** O terceiro exercicio (probas físicas) desenvolveranse os días **19 e 20 de novembro** de 2022 do seguinte xeito:

Os días 19 e 20 de novembro de 2022 terán lugar no Centro Galego de Tecnificación Deportiva de Pontevedra, sito na rúa Padre Fernando Olmedo nº1, 36002, da cidade de Pontevedra as probas físicas correspondentes ao terceiro exercicio, de acordo cos chamamentos publicados como Anexo III a esta resolución.

**Quinto.** Co fin de garantir o correcto desenvolvemento deste exercicio, teranse en conta as seguintes normas:

1. As probas de aptitude física terán a cualificación de apto ou non apto. Para obter a cualificación de apto é necesario non superar as marcas establecidas como máximas para as probas 2.1, 2.4 e 2.5, e alcanzar ou superar os mínimos das probas 2.2 e 2.3 do punto 3 do Anexo V da convocatoria. Os exercicios realizaranse pola orde en que están relacionados na convocatoria e cada un é eliminatorio para realizar o seguinte. A non superación de calquera das probas na forma indicada dará lugar á eliminación da persoa aspirante.
2. As persoas aspirantes deberán presentarse á realización das probas coa roupa e co calzado que consideren adecuados e cun informe médico expedido dentro dos 15 días inmediatamente anteriores á data de realización deste exercicio. A non presentación de dito documento suporá a exclusión da persoa aspirante do proceso.
3. Para a proba de natación as persoas aspirantes utilizarán traxe de baño (que achegarán elas mesmas) e do modelo que desexen. Queda prohibida a utilización de traxes de neopreno ou similares e axudas para a flotabilidade e/ou o incremento da velocidade de calquera tipo.
4. Non se permitirá a asistencia de público, nin acompañantes, nin ningunha persoa allea á realización das probas.
5. Deberán traer consigo 4 imperdibles, para suxeitar o seu dorsal, que lle será facilitado no momento do chamamento. Non se facilitarán imperdibles.

**Sexto.** As persoas convocadas deberán obrigatoriamente acudir provistas de:

- Documento Nacional de Identidade.
- Informe médico en que se faga constar expresamente que o aspirante reúne as condicións físicas e sanitarias para a realización dos exercicios físicos que se especifiquen na correspondente proba da oposición, expedido dentro dos 15 días inmediatamente anteriores á data de realización da primeira proba de aptitude física. Iso non excluírá as comprobacións posteriores do que se reflecta no certificado médico.

**Sétimo.** As persoas aspirantes que non se presenten ás probas na hora indicada no Anexo III desta resolución, ou non acudan coa documentación relatada con anterioridade, non poderán realizar as probas físicas e decaerán de todos os seus dereitos no proceso selectivo.

**Oitavo.** Antes de comezar as probas físicas, efectuarase o control da estatura das persoas aspirantes, quedando eliminadas as que non alcancen a estatura mínima marcada na convocatoria.

**Noveno.** Os exercicios físicos realizaranse pola orde relacionada nas bases e cada un deles é eliminatorio para realizar o seguinte. Nas probas de resistencia xeral e natación dispónse dunha soa posibilidade de execución. No resto, permitirase unha segunda realización cando na primeira non se obteña a cualificación de apto. As repeticións terán lugar unha vez finalizado o primeiro intento de todos os aspirantes, asegurándose que medien en todo caso entre o primeiro e o segundo intento un descanso mínimo de 5 minutos.

**Décimo.** Este Tribunal acorda para asegurar a maior precisión dos resultados e seguindo o criterio expresado polo Tribunal Superior de Xustiza de Galicia, que:

Na proba de resistencia xeral: carreira de 1.000 metros lisos, as marcas máximas (en minutos, segundos e centésimas esixidas) para a superación da proba son:

Homes:3'30''00'''

Mujeres:4'10''00'''

Na proba de natación:25 metros de estilo libre.

As marcas máximas (en minutos, segundos e centésimas) para a superación da proba son:

Homes: 0' 24'' 00''''

Mujeres: 0' 28'' 00''''

**Décimo primeiro.** A non superación de calquera das probas na forma indicada dará lugar á eliminación da persoa aspirante.

**Décimo segundo.** Unha vez efectuado o chamamento as persoas aspirantes seguirán en todo momento as indicacións do Tribunal e do persoal colaborador. O incumprimento do cumprimento das ditas instrucións suporá a exclusión da persoa aspirante do proceso.

**Décimo terceiro.** Tal e como establece a base 8.8 da convocatoria, os acordos adoptados polo Tribunal do proceso poderán ser obxecto de recurso de alzada ante a persoa titular da Dirección Xeral da Academia Galega de Seguridade Pública, nos termos previstos nos artigos 121 e 122 da Ley 39/2015, do 1 de outubro.

En A Estrada, 9 de novembro de 2022  
A presidenta do Tribunal

María Rey Rivera



